

COMUNICATO n. 1973 del 15/07/2025

Gerosa: “I Musees etnografics l’é melaueres culturèi per l Trentin”

Musees etnografics, pea via l avis per l sostegn ai projec 2025

[Ladino] La Jonta provinzièla l’à aproà, en vender ai 11 de messèl con n provediment proponet da l’assessora a la cultura Francesca Gerosa, l avis 2025 per l sostegn de projec spezifics metui a jir dai musees etnografics recognosciui da la Provincia autonoma de Trent, a chi che g’è stat destinà per chest an la suma de € 240.000,00 en dut.

“I projec i revèrda l’ativitèdes outes a tegnir su e a valorisèr la cultura locala, la traditions populères e l folklor, ma ence dialec e saeres. Pisson, per ejempie, a la gestions agricole, di bos e di pèscoi e del teritorie, a la formes de partezipazion de duta la comunanza te la gestion di bens comuns, ai patrimoniès populères caraterisé da elemenc rituèi, etncoreutics e de la musega. Investir te chisc musees vel dir crear te noscia storia e voler la mantegnir viva, acioche sia memoria no la vegne destrabonida” – l’à declarà l’assessora Gerosa.

La valutazion de la domanes, manèda dant da 30 dis da canche l’é stat tout su l avis a la Unità de miscion strategica soraintendenza per i bens e l’ativitèdes culturèles e la conzescion eventuèla del contribut, l’é na encèria che ge pervegn al sorastant de la struttura medema. Duc i benefizières ciaparà, desche acont via per l 2025, l 50% de la suma conzeduda e l’ultima pèrt via per l 2026, do aer portà dant la rendicontazion spezifica de la scomenzadives metudes a jir.

Al avis pel tor pèrt i musees etnografics recognosciui: te chest moment i musees etnografics enscinué a la lingia aproèda da l’aministrazion provinzièla i é 89.

Ti dis che vegn se podarà tor ju da la piata internet istituzionèla www.provincia.tn.it l formulèr de domana.

Traduzion di Servijes Linguistics e Culturèi del Comun general de Fascia

(cdt)